



Da la suprastanza cumünela

Dumandas da fabrica

La suprastanza cumünela piglia cugnuschentscha dals seguints progets da fabrica:

- Parcella nr. 219, reclama movibla

Impü aderischa la suprastanza cumünela seguintas dumandas da fabrica:

- Parcella nr. 99, Bügl Suot, ingrandiment e nouva abitaziun
- Parcella nr. 640, Davous Chesas, prolungaziun temp da fabrica
- Vschinauncha da S-chanf, rimplizzer via da peduns e bike Chapella-Ospiz

Analisa da sbagls da la rait da forz'electricica – ingluminaziun publica

I vegn fat la proposta da piglier sü il cuosts da bundant fr. 13'000.00 aint il preventiv per l'an 2019 e da tratter quista analisa da sbagls da la rait da la forz'electricica - ingluminaziun publica da l'an 2019. La suprastanza cumünela decida unanim da spuster l'analisa da sbagls sün l'an 2019 e da büdscheter l'import il preventiv 2019.

Concept tevlas turisticas

Ils ans 2003/2004 sun gnieu refatieu e standadisos las singalisaziuns i'l chantun Grischun in ün ram d'ün proget „Regionenmarke Graubünden“. I'inter concept es gnieu fat bun dal uffizi federel per vias (ASTRA). I'ls ans zieva sun gnieu fat in diversas regions dal chantun Grischun tevlas standartiesdas tar las vias chantunelas e vias secundarias. Il böt es cha i'l chantun Grischun vegnan sün tuot las vias publicas chi suottastaun il dret da vias resguardand da la sgürezza dal trafic da realiser üna signalisaziun turistica cun ün grand segn distinctiv.

La suprastanza cumünela decida da perseguiter quist proget e da lascher offrir ün muoster.

Surdeda da lavuors progets Chapella-Tulait e Bos-chetta Plauna lingia d'ova persa

La suprastanza discuta las offertas per las lavuors dals duos progets. Causa chi's ho chatto sbagls illas offertas, decida la suprastanza da scriver oura aunch'üna vouta las lavuors d'impressari (proceder a maun liber). Eir tar las lavuors da cuvrida es gnieu decis l'istess agir.

Consultaziun cunvegna da prestaziun provedimaint da sandet

Las vschinaunchas da l'Engiadin'Ota surdaun l'ospidel ed il post da coordinaziun per la chüra a la fundaziun pel provedimaint da sandet Engiadin'Ota. Per quist'intenziun vegn stipulo üna cunvegna da prestaziun culla fundaziun pel provedimaint da sandet Engiadin'Ota. Per garantir il provedimaint e per pudair scuverner ils bsögns particulermang dal turissem e da la regiun vegn daspö ans miss a disposiziun üna spüerta da prestaziun ingrandida. Pervi da la pusiziun da la periferia scu eir las variaziuns stagiunelas e cun que colliedas ziffras nu paun gnir miss da disposiziun tuot las presatziuns correspondent als cuosts. Quist sun las seguintas spüertas chi puan gnir miss a disposiziun: - Servezzan d'urgenza 24 uras, - Agüd da naschentscha, - Poppins, - Medicina d'iffaunts e giuvenils, - Staziun intensiva

Our da quist motiv vegn pel prossem 4 ans invezza scu fin uossa illimiteda garantia da deficit fat üna pauschela fixa chi importa annuelmang fr. 1'534'000.00 per la gestiun da l'ospidel scu eir fr. 100'000.00 per il post da coordinaziun per la chüra.

La suprastanza cumünela piglia cugnuschentscha da la cunvegna e da la missiva per la votumaziun in gün.